

卷  
廿八  
廿九

元  
書  
日  
宗

佩  
文  
齋  
書  
畫  
譜

C. T. LOO & CO.  
41 EAST 57th STREET  
NEW YORK, N. Y.

NO. 513  
HGT. \_\_\_\_\_  
LENG. \_\_\_\_\_

NK  
3634  
.A2  
Q243  
1920  
v.13

佩文齋書畫譜目錄

第三十七卷

書家傳十六

元一

耶律楚材

劉秉忠

王磐

姚樞

許衡

郝經

趙孟頫

趙孟頫

趙雍

趙奕

趙鳳

趙麟

康里巉巉

康里回回

楊載

范梈

鮮于樞

鮮于去矜

鮮于端

商挺

史弼

劉賡

張孔孫

李秉彝

胡長孺

胡之綱

謝暉

熊朋來

楊桓

王暉

周馳

劉致

盧摯

仇遠

吾丘衍

趙期頤

吳叡

錢選

白珽

金應桂

吳福孫

李侗

喬篔簹

王俟

張伯淳

王仲謀

宋齊彥

鄭瑤

章德懋

葉文炳

彭師立

滕野雲

姚淡如

葛元喆

哈刺

徐應虎

卞仲祥

卞瑛

卞珏

龔璠

王桂

苟宗道

只必

阿尼哥

廉希貢

周嶷

祖子靜

夏日孜

李章

張衡

李有

曾遇

李處翼

尚師簡

高翹

程鉅夫

鄧文原

袁桷

袁哀

唐仁祖

班惟志

范元鎮

顧信

陳夢魁

史文卿

郝思温

程泳

杜敬

趙儼

史性良

王龍澤

許復

陳曾

沈德新

姚燧

王顯

郭貫

張珪

達魯花赤諾懷

元明善

小雲石海涯

許謙

吳澄

何中

虞集

揭傒斯

揭汝

揭雲

黃潛

柳貫

張鐸

張範

張起巖

王士熙

王士點

王士弘

陳旅

陳繹曾

朱德潤

鄭元祐

顧安

郭昇

莊麟

蘇壇

陸友

楊益

孫履常

朱戾

皮榮

趙良佐

廖毅

吳正道

王肖翁

戚崇僧

張淵

月魯不花

鄭銳

許師敬

姚慶

張恕

魏必復

廉簡

牛師厚

高昉

姚子敬

沈璜

鄭東

楊希賢

周仁榮

薛漢

薛植

第三十八卷

書家傳十七

元二

柯九思

脫脫

也先帖木兒

趙世延

李洄

不花

哲理也臺

楊瑤

朶爾直班

杜本

歐陽玄

馮子振

段天祐

魏敬益

李孟

智受益

張德琪

牛麟

趙鳳儀

傅若金

劉聞大

許有壬

蘇天爵

王都中

王敏

張肅

汪澤民

貢師泰

秦不華

烏古孫良楨

余闕

道童

別兒怯不花

伯顏不花的斤

慶童

達識帖睦邇

沙刺班

孟棡

石巖

李敏中

張璘

倪中

高翼

汪從善

任仁發

宗椿

余謙

謝子龍

孟昉

劉楨

胡益

羅元

錢良佑

張性之

吳壽民

崔晟

浦源

吳里

劉惟一

宣昭

鄭杓

余襄

程君寶

王翼

應在

吳炳

邊武

邊定

俞鎮

董復

李申伯

林鏞

王務道

吳志淳

洪恕

胡布

曹埜

陳遠

鄭禧

朱振

蔣惠

楊遵

王默

王餘慶

王順

繆貞

繆侃

鄔進禮

張體

陳容

唐志大

曹永

黃中

歐復

易履

葛萬慶

衛德辰

衛仁近

章弼公

陳德永

范守中

楊彝

楊惠

龔觀

陶煜

陶復初

陶宗暹

盛熙明

劉若水

劉堦

蕭搏

甘立

韓玉倫都

薩都刺

普花帖木兒

康里不花

拔實

榮僧

悟良哈台

喜山

隱也那失理

夾谷希顏

馬九臯

馬九霄

松壑

邊魯

劉有定

謝庭芝

陳仁壽

舒頤

韓與玉

徐仁則

桂梓

林春山

趙杰

鄭琮

汪罕

陳穎達

王子玉

上官叔權

湯彌昌

堵簡

王櫛

楊元正

李康

程大本

高暹

申屠澂

翟炳

王鼎

賈竹

柴貞

朱旭

成廷珪

劉堪

馮寅賓

王得貞

程棋

楊剛中

劉仁本

范庸

趙毅

顧游

莊文昭

王敬方

吳鐸

葛禔

歐陽光

朱桓

劉彥明

第三十九卷

書家傳十八

元三

楊維禎

倪瓚

王蒙

吳鎮

顧德輝

崔彥輝

陳方

王逢

李祁

李位

錢惟善

陳岳

盧彥昭

吳毅

張玄度

張遜

李元珪

呂誠

沈明遠

馬孟昭

熊夢祥

觀間元賓

篤列圖

李介石

張樞

任序

藍仲晦

張梅間

趙良弼

楊晉

魏雲瑞

戴士珪

張明卿

葉孝墅

楊翮

徐恢祖

邵光祖

孫華

俞庸

沈性

李世英

王璪

朱燧

王興祖



邵祖義

范寧

李希文

張端

程政

元顏思敬

張如遇

周起巖

沈右

朱珪

顏耕道

褚奐

陳邁

余詮

陸定龍

高明則

高昉

孔叔平

唐懷德

王堅

曹本

朱宜民

趙衷

完顏子周

張喬

湯熒

陳子暈

張文盛

王奇

莫昌

艾斐

鄒偉

張去偏

范居中

杜從訓

張伯仁

鄭炳

汪正

李林

陳謙

王禮

何仲章

吳志行

呂中立

鄧學可

陳宗亮

卓習之

朱俊卿

徐子愚

張童子

周伯琦

周宗仁

蔣冕

饒介

陳秀民

蘇大年

李繹

張仲壽

宋嘉禾

張與材

張嗣成

吳全節

丘處機

薛玄義

方從義

祝玄行

張雨

鄭樵

趙宜裕

周蘭雪

孫德或

李道謙

李志宗

杜道堅

蕭善齋

蕭登

釋巴思八

釋溥光

釋溥圓

釋圓琛

釋至温

釋可中

釋祖瑛

釋允

釋梵琦

釋大智

釋克新

釋靜慧

釋夷簡

釋密詣

釋慧敏

釋道原

釋永芳

釋明本

釋劉順

釋宗衍

釋懷深

釋行端

釋誠道元

釋定

釋法楨

釋福珪

釋正印

釋洪注

釋元旭

龍巖上人

管夫人

王夫人

八達氏

趙夫人

游夫人

危氏

徐氏

劉氏

柯氏

段氏

士女曹妙清

陳自幼

比丘尼妙湛

劉氏

書家傳十六

元一

耶律楚材

耶律楚材字晉卿博極羣書下筆為文若宿構者貞祐二年辟為左右司員外郎太祖定燕聞其名召見之處之左右太宗即位拜中書令贈太師上柱國追封廣

寧郡王謚文正

元史本傳

耶律文正晚年所作字畫尤勁健如鑄鐵所成剛毅之氣至老不衰

宋學士集

劉秉忠

劉秉忠字仲晦初名侃因從釋氏又名子聰邢人世祖在潛邸應對稱旨屢承顧問至元元年拜光祿大夫位太保封趙國公謚文正又進封常山王自幼好學至老不衰雖位極人臣而齋居蔬食不異平昔自號藏春散人

元史本傳

秉忠楷書以魯公筆法為正草書則取二王以為專門之學

藏春集

徐世隆祭太保劉公文云字畫清勁筆中法具誰其似之黃山文孺

元文類

秉忠精天文地理算數推步之學兼工書翰

書史會要

王磐

王磐字文炳廣平永年人金正大中登進士第至元元年召入翰林兼太常卿進

拜承旨性嗜書晚年益造精妙筆意簡遠神氣超邁自名一家持縑素求書者繼踵於門應之不少拒蘇天爵國朝名臣事略

姚樞

姚樞字公茂

陶宗儀云號雪齋

柳城人後遷洛陽為燕京行臺郎中棄官攜家來婺州篆刻

諸經以惠學者讀書鳴琴若將終身世祖在潛邸召樞至大喜待以客禮世祖即位拜太子太師十三年拜翰林學士承旨謚曰文獻元史本傳

姚樞善草書

書史會要

許衡

許衡字仲平懷之河內人嗜學如飢渴貧無書嘗從日者家見書疏義因請寓宿

手抄歸世祖出王秦中名為京兆提學即位進為平章政事十年以為集賢大學

士兼國子祭酒贈司徒謚文正公元史本傳

許衡習字必以顏魯公為法

耶律有尚國學事跡

郝經

郝經字伯常澤之陵川人世祖以太弟開藩徵經入見即位以為翰林侍讀學士

佩金虎符充國信使齎書入宋通好拘之真州至元十一年伯顏南伐乃禮而歸

之累贈昭文館大學士司徒冀國公謚文忠元史本傳

經字畫天姿高古取眾人所長以為己有故其筆畫俊逸道勁似其為人無傾側

顏媚之態為當代名筆 苟宗道郝公行狀

### 趙孟頫

趙孟頫字子昂 楊載趙公狀云扁燕處曰松雪齋自號松雪道人 宋太祖子秦王德芳之後也四世祖伯圭賜第

湖州為湖州人幼聰明讀書過目輒成誦為文操筆立就至元中搜訪遺逸授兵

部郎中遷集賢直學士延祐三年拜翰林學士承旨榮祿大夫帝嘗與侍臣論文

學之士以孟頫比唐李白宋蘇子瞻封魏國公謚文敏孟頫篆籀分隸真行草書

無不冠絕古今遂以書名天下天竺有僧數萬里來求其書歸國中寶之 元史本傳

公性善書專以古人為法篆則法石鼓詛楚隸則法梁鵠鍾繇行草則法逸少獻

之不雜以近體 楊載翰林學士趙公狀

魏公書凡三變初臨思陵中學鍾繇及羲獻諸家晚學李北海 宋濂潛溪集

鮮于樞云子昂篆隸正行顛草為當代第一小楷又為子昂諸書第一 鮮于樞困學齋集

集

張伯雨跋子昂過秦三論曰後世誰知公落筆如風雨蓋子昂一日能書一萬字

也 董其昌容臺集

吳興趙文敏公始事張即之得南宮之傳而天資英邁積學功深盡掩古人超入

魏晉當時翕然師之康里平章子山得其奇偉浦城楊翰林仲弘得其雅健清江

范文白公得其灑落仲穆造其純和 解縉書學傳授

同文圖書館印

趙孟頫

趙孟頫字子俊

孟頫弟孟頴先侍郎阡表云孟頫承務郎同知南劍州

亦工書殊得公之家傳

書史會要

趙雍

趙雍孟頴子

陶宗儀云字仲穆官至集賢待制同知湖州路總管府事

以書畫知名

元史趙孟頴傳

雍工真行草篆篆法二李而清勁有餘真行草法魏公公嘗為幻住菴寫金剛經未半雍足成之其聯續處人莫能辨於此見其得家傳之祕

書史會要

趙奕

趙奕字仲光雍之弟隱居不仕日以詩酒自娛工真行草書其合作者可與魏公

亂真

書史會要

仲光書雖不脫文敏家法而行墨結字微有不同

文徵明甫田集

趙鳳 趙麟

趙鳳字允文麟字彥徵

俱雍子

亦習書更益以工便可造父之域

書史會要

康里巉巉

康里巉巉字子山

陶宗儀云號正齋恕叟

博通羣書始授集賢待制順帝時為翰林學士承旨

善真行草書識者謂得晉人筆意單牘片紙人爭寶之不翅金玉謚文忠

元史本傳

巉巉刻意翰墨正書師虞永興行草師鍾太傅王右軍筆畫道媚轉摺圓勁名重

一時評者謂國朝以書名世者自趙魏公後便及公也

書史會要

子山嘗問客一日能寫得幾字客曰聞趙學士言一日可寫萬字公曰余一日寫三萬字未嘗以力倦而輟筆

陶宗儀輟耕錄

子山書從大令來旁及米南宮神韻可愛

何良俊四友齋叢說

### 康里回回

康里回回字子淵夔夔兄嗜學能文在成宗朝宿衛擢太常寺少卿文宗立除宣政院使擢中書右丞與弟夔夔皆為名臣世號為雙壁云

元史本傳

回回正書宗顏魯公甚得其體

書史會要

### 楊載

楊載字仲弘其先居建之浦城後徙杭因為杭人博涉羣書為文有跌宕氣以布衣召為翰林國史院編修官延祐初登進士第授饒州路同知遷寧國路總管府

推官

元史本傳

浦城楊翰林仲弘師趙文敏公得其雅健

解縉書學傳授

### 范梈

范梈字亨父一字德機清江人耽詩工文以朝臣薦為翰林院編修官天曆二年授河南嶺北道廉訪司經歷所著詩文多傳於世

元史虞集傳

梈工篆隸吳興趙文敏公曰范德機我固當避之若其楷法人亦罕及

揭文安公集

### 鮮于樞

鮮于樞字伯機號困學民漁陽人官至太常寺典簿酒酣驚放吟詩作字奇態橫生  
善行草趙文敏極推重之小楷類鍾元常

書史會要

鮮于公早歲學書媿未能如古人偶適野見二人輓車行淖泥中遂悟書法

蘇天爵滋溪

集

王庭筠擅名於金傳子澹游至張天錫元初鮮于樞得之

解縉書學傳授

鮮于困學書名在當時與趙吳興鄧巴西各雄長一方困學多為草書其書從真行  
來故落筆不苟而點畫所至皆有意態

鮑翁家藏集

書法敞於宋季元興作者有功而以趙吳興鮮于漁陽為巨擘終元之世出入此兩

家

陸深嚴山集

鮮于去矜

鮮于去矜字必仁號苦齋樞之子書得家法

書史會要

鮮于端

鮮于端字文肅樞之孫書跡不失家學

書史會要

商挺

商挺字孟卿曹州濟陰人與元好問楊奐遊世祖在潛邸聞挺名遣使徵至鹽州  
入對稱旨至元六年同僉樞密院事八年陞副使有詩千餘篇尤善隸書贈魯國

公謚文定

元史本傳



史弼

史弼字君佐

陶宗儀云號  
敬老人

一名塔刺渾蠡州博野人中統未授金符管軍總管元貞

元年同知樞密院事三年陞平章政事封鄂國公

元史本傳

史弼書師晉人亦善大字

書史會要

劉賡

劉賡字熙載洛水人至元十三年授國史院編修官至大三年拜翰林學士承旨

言語字畫人寶而敬之

道園學古錄

張孔孫

張孔孫字夢符

陶宗儀云  
濟南人

世祖時拜侍御史行御史臺事

元史本傳

孔孫書宗王黃華

書史會要

李秉彝

李秉彝字仲常世家大都通州潞縣穎悟好學十歲能習古篆隸世祖至元初官

工部尚書兩浙轉運使嘗名其室曰閑邪世稱閑邪公

周馳閑邪公傳

胡長孺

胡長孺字汲仲

陶宗儀云  
號石塘

婺州永康人至元二十五年召見內殿拜集賢修撰改教

授揚州至大元年轉台州路寧海縣主簿

元史本傳

長孺耿介不同於俗下筆言語妙天下正書學鍾繇剛勁骨立似其人也

書史會要

胡之綱

胡之綱字仍仲長隲從兒嘗被薦書其於聲音字畫之說自言獨造其妙惜其書不傳元史

胡一頁端傳

謝暉

謝暉字彥實受業胡長孺之門趙文敏見而愛之授以書法詩文簡淡雋永作字亦有法人以得其尺牘片紙為榮張時徹寧波志

熊朋來

熊朋來字與可陶宗儀云自號彭澤先生豫章人薦為閩海提舉儒學官而朝廷以東南儒學之士唯福建廬陵為最盛特起朋來連為兩郡教授所至考古篆籀文字晚以福清州判官致仕學者稱為天慵先生元史本傳

往者鶴山魏公嘗以篆法寓諸隸體最為近古近時豫章熊先生亦用之道園學古錄

楊桓

楊桓字武子兖州人由濟寧路教授召為太史院校書郎至元三十一年拜監察御史有得玉璽者桓辨識其文曰受天之命既壽永昌即為文述璽始末成宗即位陞祕書少監博覽羣籍尤精篆隸之學者六書統六書沂源書學正韻行於世

元史本傳

楊桓善大小篆嘗著六書統以詔書刻之尚方篇帙浩穰學者莫之能究書史會要

王暉

王暉字仲謀衛州汲縣人好學善屬文以選至京師擢為中書省詳定官轉翰林

修撰同知制誥至元二十九年授翰林學士追封太原郡公謚文定元史本傳

天慶寺碑至元九年學士王暉撰并書春明夢餘錄

周馳

周馳字景遠聊城人官至僉燕南廉訪司事經術瞻逸行草師二王婉約豐妍書史

會要

劉致

劉致字時中河東人官至翰林待制風情高簡蚤負聲譽能篆有所著復古糾繆

編行於世行草宗晉人而不純熟書史會要

盧摯

盧摯字處道號疎齋涿郡人官至翰林學士元初稱能詩以摯為首亦能書書史會要

要

仇遠

仇遠字仁近號山村錢塘人續弘簡錄云好古博雅楷書學歐續弘簡錄云行書亦善書史會要

吾丘衍

風入齋書畫譜 卷三十七 書家傳十六 五 同文圖書館印

吾丘衍字子行太末人家於錢塘嗜古學通經史百家言工於篆籀其精妙不在秦唐二李下性放曠不事檢束眇左目左足跛而風度特醞藉每以郭忠恕自比自號貞白處士所著有周秦刻石音釋學古編篆籀之學至宋季其敝極矣子行始倡其說以復於古而吳興趙文敏公實和之其學乃大明得其傳以名世者宛丘趙子奇濮陽吳孟思王禕忠文公集

行工隸書尤精於小篆潛溪集

趙期頤

趙期頤字子奇汴梁人官至陝西行臺治書工於篆書史會要

宛丘趙期頤以書名世得之吾行者為多潛溪集

期頤篆迹渾璞高古以禹碑周鼓為宗無一筆陽冰擇木六研齋筆記

吳叡

吳叡字孟思杭州人少好學工翰墨尤精篆隸凡歷代古文款識制度無不考究得其要妙下筆初若不經意而動合矩度識者謂吾子行趙文敏不能過也自號

雪濤散人劉基覆瓿集

吳叡工小篆勻淨道逸亦能品也六研齋二筆

錢選

錢選字舜舉號玉潭見畫家傳雪川人宋景定間鄉貢進士元初有八俊之號以子昂

為稱首而舜舉與焉及子昂被薦登朝諸公皆相附取宦達獨舜舉齟齬不合流連詩畫以終其身

湖州府志

錢舜舉小楷亦有法但未能脫去宋季衰蹇之氣

書史會要

### 白珽

白珽字廷玉錢塘人官至婺州路蘭溪州判官所居西湖有泉自天竺來及門而  
滙榜之曰湛淵因以自號晚歸老栖霞又號栖霞山人長於詩文翰墨雖其餘事  
亦有晉魏風

潛溪集

白珽書學米元章

書史會要

### 金應桂

金應桂字一之號蓀壁錢塘人能詞章宋李為縣令元隱居風篁嶺書學歐陽詢  
築蓀壁山房左絃右壺中設圖史古器客至清談灑灑不休每肩輿入城幅巾整  
衣望之若神仙云

陳善杭州志

### 吳福孫

吳福孫字子善杭州人效趙文敏公書得其早年楷法之妙兼工篆籀文敏極稱  
許之阿榮大學士以其所作小楷書數萬字上進因得名見巉巉學士方侍書於  
閣中前奏曰臣濫得能書名如吳福孫所書雖臣亦有所不及上領之命侍臣引  
金鍾酌酒以賜至正六年授松江上海縣主簿自號清容野叟

黃文獻公集

李侗

李侗字士弘河東太原人圖繪寶鑑云號員嶠真逸官至集賢侍讀學士好學尚氣劬神苦思務求博洽而後已

故其游戲筆墨皆超悟不羣鐵網珊瑚

集賢學士河東李公士弘以好書名天下稍暇則取晉右軍縱筆擬為之所居山

房之牕壁几榻硯席諸供具花物皆奕奕有晉氣由是以擬晉題其顏戴表元剡源集

喬簣成

喬簣成字達之號中山周密雲煙過眼錄

喬簣成見右軍平嘔帖朱巨川告跋書法不能佳而致據頗精洽據此書尾謂早

歲苦更事叢脞不為詩當亦是邑州判官也弁州續藁

王俟

王俟不知何許人嘗僉浙東廉訪司事書蘭亭書院扁其姓名乃與宋王俟書蘭

亭扁者同書史會要

全楚卿捨天章寺旁菴田三十畝為蘭亭書院其扁乃廉訪分司王俟書之周密癸

辛雜識

張伯淳

張伯淳字師道杭州崇德人虞集張師道文藁序云與吳興趙公子昂為中表人物相望少舉童子科尋舉進士至元二

十三年薦授杭州路儒學教授大德四年拜侍讀學士元史本傳

伯淳少善書法應童子科給巨筆大紙寫字伯淳書天宇以進詰之對曰惟天為大惟堯則之養蒙先生集

王仲謀 宋齊彥

王仲謀宋齊彥與趙孟頫同時王士熙云淇上王仲謀上黨宋齊彥吳中趙子昂三家世皆

稱善書者元文類

鄭瑤

鄭瑤字彥英與趙魏公同時其書甚相類書史會要

章德懋

章德懋與趙魏公同時專學公草書每與公代筆以應求者之責書史會要

葉文炳

葉文炳未詳何許人陳子振有詩贈之云墨妙當今亞子昂劉璋書畫史

彭師立

彭師立不知何許人趙文敏公嘗贈詩云學書工拙何足計名世不難傳後難當

有深知書法者未容俗子議其間蓋勉其學書也書畫史

滕野雲

滕野雲不知何許人能詩善書趙松雪贈詩云閒吟淵明詩靜學右軍字書畫史

姚淡如

姚淡如見畫家傳王逢贈詩云淡如早歲名家駒學士趙公坐以隅大曆詩指授永和帖

鈞摹梧溪集

葛元喆

葛元喆工書法與趙文敏並稱為撫州令私謚文貞先生撫州志

哈刺

哈刺字元素也理可温人登進士第官至中政院使能文辭其書宗巖正齋書史會要

徐應虎

徐應虎人稱文蔚先生通諸經長於詩且善書立碑碣者多求焉鮮于樞極器重之潛溪集

卞仲祥

卞仲祥能詩詞善書法結交名勝與周景遠馳劉時中致友愛狄斯彬野志續編

卞瑛 卞珏

卞瑛字仲玉仲祥孫能書弟珏字仲寶亦能書野志續編

龔璠一作璠

龔璠字子敬自高郵徙平江刻苦於學戴帥初仇仁近胡汲仲皆與為忘年交官

至儒學副提舉存梅齋集



龔璠書有晉宋人法度

下口史會要

王桂

王桂字仲芳自號月溪婺之東陽人為文有前輩典刑尤工於歌詩樂府駢四儷六之語善楷書端勁方嚴得顏柳遺法元初署處州麗水縣主簿受而不赴

黃文獻

公集

苟宗道

苟宗道字正甫保定人弱冠從郝經往為書佐及歸竟以儒名家官至國子祭酒詩文書法皆具晉唐風致

續弘簡錄

只必

只必幼嗜讀書習翰墨至元十四年監東平多善政嘗出家藏書二千餘卷置東平廟學使學徒講肄之尋授江南湖北道提刑按察使改浙西

元史塔塔兒台傳

阿尼哥

阿尼哥陶宗儀云字西軒尼波羅國人也至元十五年授光祿大夫大司徒領將作院事贈

太師開府儀同三司涼國公上柱國謚敏慧

元史本傳

阿尼哥善大字

書史會要

廉希貢

廉希貢字鄉林畏吾人官至昭文館大學士封薊國公善扁榜大字

書史會要

周嶷 書史會要  
作周仲嶷

周嶷蘄黃人博識古文於篆隸尤癖嗜遠近碑刻藉手以為寶重然有求書者或非聖賢理道雖百計懇率不與儒者以是多之故所行世亦絕少 續弘簡錄

祖子靜

祖子靜吳人習篆師二李 書史會要

夏日孜

夏日孜字仲善吉安人登進士第官會稽縣尹楷學頗魯公 書史會要

李章

李章字君章東平人性通簡書法亦可尚 書史會要

張衡

張衡字士衡樂陵人官至中書省員外郎少以才學知名草書師張長史 書史會要

李有

李有字仲芳燕人官至兩浙都轉運鹽使司經歷通雅博暢尤工古隸 書史會要

曾遇

曾遇字心傳華亭人官至吉安主簿前至元末被選入京書泥金字藏經 書史會要

李處巽

李處巽字元讓東平人至元間能小篆 書史會要

尚師簡

尚師簡世祖時人渤海郡侯歐陽公神道碑嶮嶮書文奎章閣學士院承旨學士尚師簡

奉勅篆額王孟集

高翹

高翹世祖時人元篆書道德經碑高翹書李道謙稱翹善於古篆此書雜出頡籀款識古

文大小二篆石室錄華

程鉅夫

程鉅夫名文海以字行陶宗儀云號雪樓其先自徽州徙郢州京山後家建昌世祖時授宣

武將軍管軍千戶他日召見應奉翰林文字尋進翰林修撰大德八年拜翰林學

士追封楚國公謚文憲元史本傳

鉅夫字體純正下筆暗合書法亦工大字書史會要

鄧文原

鄧文原字善之一字匪石陶宗儀云稱素履先生綿州人至元二十七年辟為杭州路儒學正至

治二年召為集賢直學士兼國子監祭酒贈江浙行省參知政事謚文肅元史本傳

鄧文原正行草書早法二王後法李北海虞文靖云大德延祐間漁陽吳興巴西

翰墨擅一代黃文獻奉勅撰公神道碑云工於筆札與趙魏公齊名書史會要

表桷

袁桷字伯長慶元人大德初薦為翰林國史院檢閱官陞應奉翰林文字至治元年遷侍講學士朝廷制冊勳臣碑銘多出其手贈中書省參知政事追封陳留郡公謚文清

元史本傳

袁桷書從晉唐中來而自成一家

書史會要

袁清容書快利沈頓亦是誠懸兒孫

恬致堂集

### 袁衷

袁衷字德平與伯長為族兄弟善書法隱沙家山

袁桷清容居士集

### 唐仁祖

唐仁祖字壽卿畏兀人祖曰唐古直子孫因以唐為氏成宗尊太母元妃為皇太后

后以仁祖善書特勅書冊文大德五年授翰林學士承旨追封洹國公謚文貞

元史本傳

### 班惟志

班惟志字彥功

一作恭

號恕齋大梁人官至集賢待制江浙儒學提舉初徽仁裕聖皇

后以泥金寫大藏經鄧文肅舉惟志入經局補州教授累官至今任早歲宗二王筆勢翩翩不失書家法度晚年學黃華應酬塞責俗惡可畏文宗嘗評其書如醉

漢罵街

書史會要

惟志行書清健出塵不在趙王孫下

袁中道游居錄

范元鎮

范元鎮字元亨其先蜀人居安福元貞初詔求能書金經者元鎮在選中經成補

湖南椽累遷郴州桂陽尹 元文類

顧信

顧信字善夫 劉璋云崑山人元大德初為浙江軍器提舉以能書稱從趙文敏公遊得其書

必鑄於石作亭扁曰墨妙晚年號樂善處士 六研齋二筆

陳夢魁

陳夢魁字希元登咸淳甲戌進士大德末典校嶧縣庠留意書法嘗得王右軍執

筆圖懸腕者二腕就几者一能依其執筆隨意所之略無滯礙 王肯堂鬱岡齋筆塵

史文卿

史文卿字景賢自號石窗山樵泊然宦意翰墨清灑 袁梅清容居士集

郝思温

郝思温號東山雪菴高弟何中有郝思温大字歌云瘞鶴銘摩厓碑後來者誰誰

繼之我嘗見龍溪之字大如箕五百年間無此奇雪菴老東山子優鉢曇花重現

世崑崙以為筆東溟以為硯青天以為紙為我寫太平兩大字持獻天皇九九八

十一萬歲 何中知非堂葉

程泳

程泳字孟游號友山世居休寧書得顏柳楷法定宇先生集

杜敬

杜敬字行簡汴人至元大德間朝廷講求禮樂之事敬與其友張君錫寓居於杭於時集賢紘貢父尚書高彥敬都曹鮮于伯機承旨趙子昂侍讀鄧善之尤善鑒古有清裁敬與之上下其議論延祐初朝廷首起君錫為太樂署正次及行簡行簡善鼓琴知音律尤長於書喜蓄古人墨蹟大冠長裾優游湖山文酒間晚號夷門老人杭州志

趙儼

趙儼字子威真定人官至翰林學士善古隸書史會要

史性良

史性良字顯甫鄆城人官至中書平章政事書有晉人法度亦能大字書史會要

王龍澤

王龍澤成宗時人余邨玉皇觀壁間松菴二隸字是大德間狀元王龍澤所書頗極奇偉

金陵瑣事

許復

許復成宗時人都城隍廟碑立於元貞元年正月韓從政撰文許復書編素錄

陳曾

陳曾字守約閩人黃慶翁菊山說大德丙午陳曾書 珂期綱

沈德新

沈德新 成宗時人 元艮山土神廟碑大德己亥紹興路儒學錄古杭沈德新記并書 庚翰統

州府志碑碣目

姚燧

姚燧字端甫 樞從子陶宗儀云號牧闇 武宗時為翰林學士承旨謚曰文燧之學有得於許衡為

世名儒為文閱肆該洽春容盛大有西漢風 元史本傳

燧以文章名海內書宗顛素 書史會要

吳萊題姚文公草書云我公宴坐展詩史燈下搦管草數行鸞鳳盤回恣舞躍蛟

龍倔強高騰驤 淵穎集

王顥

王顥 與姚燧同時 姚燧李平章畫像序云李道復日侍講讀嘗召畫工肖其形賜號秋谷

命集賢大學士王顥大書之手刻為扁而署其上 元文類

郭貫

郭貫字安道保定人延祐二年拜中書參知政事至治元年為集賢大學士追封

蔡國公謚文憲精於篆籀當世冊寶碑額多出其手 元史本傳

張珪

張珪字公端自號澹菴大德三年拜江南行臺御史武宗即位召拜中丞延祐二

年拜中書平章政事封蔡國公 元史本傳

公端學書腕力尤健端重嚴勁無慙筆諫之臣 道園學古錄

達魯花赤諾懷 書史會要作那海

達魯花赤諾懷字德卿蒙古耐温台氏襲福州親軍千戶延祐六年遷武略將軍

鎮撫鎮江萬戶書法本魯公作大字徑數尺許皆端勁有體 蔣彬廣平府志

元明善

元明善字復初清河人弱冠遊吳中己名能文章薦為安豐建康兩學正仁宗居

東宮擢為太子文學及即位改翰林待制延祐中陞翰林學士追封清河郡公謚

曰文敏 元史本傳

明善書體純熟守李北海矩度 書史會要

小雲石海涯

小雲石海涯其父名貫只哥遂以貫為氏復以酸齋自號仁宗在東宮選為說書

秀才踐阼拜翰林侍讀學士辭還江南晚年為文日遠詩亦冲澹草隸等書稍取

古人之所長變化自成一家所至士大夫從之若雲得其片言尺牘如獲拱璧贈

集賢學士追封京兆郡公謚文靖 元史本傳

酸齋富文學工翰墨其名章俊語流於豪端者怪怪奇奇若不疑滯於物即其書



而知其胃中之所養矣

書史會要

許謙

許謙字益之金華人受業金履祥之門盡得其所傳其他若天文地理典章制度食貨刑法字學音譜醫經術數之說亦靡不該貫延祐初居東陽八華山學者翕然從之嘗以白雲山人自號世稱為白雲先生賜謚文懿

元史本傳

吳澄

吳澄字幼清晚稱伯清撫州崇仁人左丞董士達薦澄有道擢應奉翰林文字英宗

即位超遷翰林學士所居草屋數間程鉅夫題曰草廬故學者稱之為草廬先生

贈江西行省左丞臨川郡公謚文正

元史本傳

吳澄深究六書之義直用篆法而結體加方以成一家之法

書史會要

何中

何中字太虛撫之樂安人以古學自任同郡吳澂揭傒斯皆推服之至順二年岳

柱聘為龍興郡學師

元史本傳

吳澄送何太虛北游詩序云太虛善書工詩綴文研經修於已不求人知

元文類

虞集

虞集字伯生宋丞相允文五世孫從吳澄遊授受具有源委大德初以薦授大都路教授文宗在潛邸已知集名既即位除奎章閣侍書學士贈江西行中書省參

知政事護軍封仁壽郡公闢書舍爲二室左室書陶淵明詩於壁題曰陶菴右室書邵堯夫詩題曰邵菴故世稱邵菴先生

元史本傳

虞集真行草篆皆有法度古隸爲當代第一

書史會要

康里巉評虞仁壽札謂其雄劔倚天長虹駕海不無曲筆又謂如鶯雛出巢神彩可愛頡頏未熟斯則得之

弁州山人續藁

### 揭傒斯

揭傒斯字彛碩龍興富州人早有文名延祐初授翰林國史院編修官元統初陞集賢學士再陞侍講學士贈護軍追封豫章郡公謚曰文安善楷書行草朝廷大典冊及元勳茂德當得銘辭者必以命焉

元史本傳

揭傒斯正行書師晉人蒼古有力

書史會要

傒斯楷法精健閒雅行書尤工國家典冊及功臣家傳賜碑遇其當筆往往傳誦於人四方釋老氏碑版購其文若字表及殊域

圭齋集

### 揭法

揭法字伯防傒斯子以蔭補祕書郎遷國史編修官歷官至肅政廉訪司事守建

寧

寧波府志

揭法正書得用筆意

書史會要

### 揭雲

揭雲字之德文安孫正書學智永書史會要

黃潛

黃潛字晉卿婺州義烏人延祐二年進士第授台州寧海丞入為應奉翰林文字同知制誥陞侍講學士贈江西等處行中書省參知政事追封江夏郡公謚曰文獻元史本傳

潛筆札俊逸類薛嗣通危素論學集

黃潛書宗薛晉公而自成一家危承旨嘗云吾平生學書所讓者黃晉卿一人耳書史會要

柳貫

柳貫字道傳浦陽人始用察舉為江西儒學教諭仕至翰林待制與黃潛及臨川

虞集豫章揭傒斯齊名人號為儒林四傑元史黃潛傳

柳貫善楷法工篆籀妙處不減李陽冰宋濂浦陽人物志

柳貫於大字得體書史會要

柳道傳行書縱橫道逸亦鮮于之亞也六研齋二筆

張鐸

張鐸起巖之祖歐陽玄齊郡張公先世碑東昌錄事判官元史張起巖傳

宣卿工書得黃豫章米襄陽筆法圭齋集

張範

張範 起巖之父歐陽玄齊郡張公 四川行省儒學副提舉 元史張起巖傳

範善吟咏富著述能大小篆隸行楷皆道勁有體 圭齋集

張起巖

張起巖字夢臣弱冠以察舉為福山縣學教諭中延祐乙卯進士除同知登州事  
改集賢修撰拜翰林承旨學士謚曰文穆博學有文善篆隸 元史本傳

王士熙

王士熙字繼學東平人官至江東廉訪使贈中書平章政事封趙國公風流蘊藉  
為名流所慕書法亦清潤完整 書史會要

王士點

王士點字繼志士熙之弟官至四川雲南廉訪副使善大字亦能篆 書史會要

王士弘

王士弘與虞集同時重修方山定林寺碑虞集撰王士弘書 玄牘記

陳旅

陳旅字眾仲興化莆田人虞集見其所為文延至館中朝夕以道義學問相講習  
自謂得旅之助薦除國子助教遷國子監丞 元史本傳

旅善古隸行楷亦有法 書史會要

陳繹曾

陳繹曾字伯敷

胡雲峰集作伯孚

處州人諸經註疏多能成誦文辭汪洋博官至國子助

教

元史陳旅傳

繹曾學識優博真草篆隸俱通習之各得其法

書史會要

陳伯孚善飛白如塵縷遊絲秋蟬春蝶

胡雲峰集

朱德潤

朱德潤字澤民吳郡人

見書家傳

官征東儒學提舉

書史會要

德潤文采斌鬱字畫道麗亦頡頏鮮趙

六研齋三筆

鄭元祐

鄭元祐字明德遂昌人兒時乳嫗提攜右臂脫躄左手寫楷書規矩備至世稱一

絕又自名尚左生至正十七年授平江路教授陞江浙儒學提舉

蘇大年遂昌先生鄭君

墓志銘

顧安

顧安字定之東淮人

見書家傳

為泉州路判官大字道勁法趙承旨

詹東園文覽

郭昇

郭昇字天錫

雲煙過眼錄云字佑之流北山見畫家傳

丹徒人為饒州路鄱江書院山長調平江路吳江州

儒學教授未上江浙行省辟充掾史書法出入趙文敏

林魁鎮江府志

莊麟

莊麟字文昭江東人居京口書畫詩文亦婉雅與郭昇齊名

鎮江府志

蘇壇

蘇壇字伯清眉山人至大元年為寧波教授善書工詞藻德望偉然

張時徹寧波志

陸友

陸友字友仁

墨史云自號研北生

博雅好古工漢隸八分書尤能鑒辨三代漢魏而下鍾鼎銘

刻晉唐法書名畫皆有精識嘗至都下虞奎章柯博士皆善其書言於上未及任

用而歸

張昇吳中人物志

友仁追蹤石經欲與蔡鍾相上下嘗書八分小篆歌如昆刀切玉不見形迹而剛

強之氣溫潤之質望之儼然

墨史

陸友好古博雅真草篆隸皆有法

書史會要

楊益

楊益

陶宗儀云字友直

洛陽人歷行臺御史轉負外郎出府南雍

道園學古錄

虞集贈詩云洛陽楊友直字擬漢中郎

同上

楊益古隸學廬江太守碑亦能篆

書史會要

孫履常

孫履常臨川人虞集環翠亭記云臨川李氏作亭曰環翠其鄉先生孫君履常氏

書程伯子所賦環翠亭詩於其上道園學古錄

朱戾

朱戾與虞集同時虞集題其所臨智永千文云國朝吳興趙公遂擅一代學者瀾倒忽見

朱戾作此古法令人執卷惘然道園學古錄

皮榮

皮榮字維禎清江人虞集之甥以文學稱於鄉翰墨似舅氏道園學古錄

趙良佐

趙良佐字子有喜讀書善行草吳萊淵穎集

廖毅

廖毅字弘道建康人能書善為文淵穎集

吳正道

吳正道番陽人世為儒家深好篆學著六書淵源字偏旁辨誤存古韻譜等書吳

文正為序之書史會要

王肖翁

王肖翁字傅朋金華人起家衢婺二郡儒學錄大德中陞婺郡儒學正以松江府

判官致仕高懷雅興一寓於詩而尤善筆札論者謂其酷似吳傅朋短章醉墨人

爭寶愛之黃文獻公集

臧崇僧

臧崇僧字仲咸金華人不以榮進為念從鄉先生許公講道於八華山扁其室曰朝陽人稱朝陽先生以六書之學世儒不講所傳經籍之文多致譌舛乃用古篆繕寫易書詩儀禮春秋孝經論語大學中庸孟子將獻於有司以儀禮一經未既弗及上 黃文獻公集

張淵

張淵字清夫 劉璋云號心遠 吳江人博學好古有詩名尤工書法皇慶中以薦為東省提舉

松陵文獻

月魯不花

月魯不花 與黃潛同時 元重修學記黃潛撰文月魯不花書筆畫甚古雅 安世鳳墨林快事

鄭銳

鄭銳字景敏其先滎陽人遷浦江幼穎悟日記數千言長明春秋暇日習詩及小楷殊有思致延祐甲寅以明經貢於鄉 圭齋集

許師敬

許師敬 與張起巖同時 貢奎神道碑銘馬祖常奉勅制文張起巖書字許師敬篆額 貞氏雲林集

姚慶



姚慶

與張起嚴同時

天壽萬寧寺神御殿碑張起嚴書姚慶篆額

析津日記

張恕

張恕字如心浦江人舉明經歷任武陵東陽慶元學正素與吳萊柳貫友善書體

莊勁得八分之正

張應槐浦陽人物續記

魏必復

魏必復

仁宗時人

護持天開中院記延祐三年集賢侍講學士中奉大夫魏必復撰并書

國門近游錄

廉簡

廉簡

仁宗時人

護持天開中院記延祐三年昭文館大學士榮祿大夫集賢院使廉簡題

額 國門近游錄

牛師厚

牛師厚

仁宗時人

固安縣關侯廟扁延祐五年翰林編修官牛師厚書

固安縣志

高昉

高昉

仁宗時人

元番君廟碑延祐六年趙孟頫書高昉篆額

弁州山人藁

姚子敬

姚子敬吳興人人品高勝其書自楊凝式上沂王大令翛然埃壒之表

吳師道禮部集

沈璜

沈璜字伯玉元刻趙文敏集乃其所書字極精工世以為文敏親筆非也表中道游居

鄭東 楊希賢

鄭東昆陽人楊希賢弘農人元瑞雲精舍記碑鄭東造并書楊希賢篆額朱珪名蹟錄

周仁榮

周仁榮字本心台州臨海人工為文章用薦署美化書院山長泰定初召拜國子博士遷翰林修撰陞集賢待制賜謚號曰康節先生元史本傳

仁榮以文章名而楷書宗歐陽率更尤為時所重書史會要

薛漢

薛漢字宗海永嘉人幼力學有令譽泰定元年選國子助教詩律書楷嚴縝有法而慎慤不矜魯子翬墓志

薛漢楷書宗歐陽率更書史會要

薛植

薛植字子立漢之子精於楷書一點畫不苟殊有率更體格書史會要

佩文齋書畫譜卷第三十八

書家傳十七

元二

柯九思

柯九思字敬仲台州仙居人見書家傳遇文宗於潛邸及即位置奎章閣特授學士院鑒

書博士凡內府所藏法書名畫咸命鑒定賜牙章得通籍蒙署流寓中吳又善鑒識金石鼎彝之器時吳人陸友號為博物亦歎以為不及徐顯禪史集傳

柯九思能詩文亦善書書史會要

脫脫

脫脫字大用天曆元年襲授成製提舉司至正元年為中書右丞相封鄭王元史

馬札兒台傳

脫脫善大字書史會要

脫脫字畫方毅酷似顏真卿圭齋集

也先帖木兒

也先帖木兒脫脫弟為御史大夫陝西行臺監察御史元史馬札兒台傳

也先帖木兒亦能大字書史會要

趙世延

趙世延字子敬其先雍古族人居雲中北邊天資秀發喜讀書究心儒者體用之

學弱冠世祖召見入樞密院御史臺肆習官政授承事郎雲南諸路提刑按察司

判官天曆二年拜中書平章政事封魯國公改封涼國公贈太保謚文忠元史本傳

東嶽廟昭德殿碑天曆元年趙世延書 燕都遊覽志

李洞

李洞字漑之滕州人姚燧力薦於朝授翰林國史院編修官天曆初趙遷翰林直學士俄特授奎章閣承制學士其為文章奮筆揮灑意之所至臻極其妙尤善書自篆隸草真皆精詣為世所珍愛 元史本傳

李洞書有晉宋家法

書史會要

不花

不花好讀書善書仁宗聞而召之應對稱旨欲以為翰林直學士力辭後以蔭補武備司提點天曆初除通政院判贈禮部尚書 元史楊朵兒只傳

哲理也臺

哲理也臺色目人寓居吳中登天曆元年進士善書法 姑蘇志

楊瑀

楊瑀字元誠錢塘人 六研齋筆記云自號竹西居士警敏博學天曆間召見奎章閣命篆洪禧明仁壘

文稱旨署廣成局副使終建德路總管謝政居松江之鶴沙趙仲穆為寫竹西圖

松江志

朶爾直班

朶爾直班字惟仲年十四見文宗適將幸上都親閱御衣命錄於簿顧左右無能

書漢字者朶爾直班引筆書之命為尚衣奉御尋改工部郎中至元元年除翰林  
學士遷中政使拜中書平章政事喜為五古詩於字畫尤精元史本傳

朶爾直班官中政院使日嘗奉勅書鄧文肅公神道碑書史會要

杜本

杜本字伯原清江人博學善屬文隱武夷山中文宗徵之不起右丞相脫脫以隱  
士薦召為翰林待制至杭州稱疾固辭致書於丞相遂不行工於篆隸學者稱為

清碧先生元史本傳

杜本有所編五聲韻自大小篆分隸真草以至外番書及蒙古新字靡不收錄耕錄

杜本工楷隸楷書結體謹嚴全具八法隸書學漢陽馥碑書史會要

杜公書方正嚴重如通經巨儒進止有法陸友聲史

歐陽玄

歐陽玄字原功陶宗儀云號圭齋其先家廬陵遷居瀏陽延祐二年進士授岳州路平江州

同知名為國子博士至元五年拜翰林學士承旨追封楚國公謚曰文元史本傳

歐陽玄行草略似蘇文忠而剛勁流暢風度不凡未易以專門之學一律議之書史

會要

馮子振

馮子振字海粟官至翰林學士雖不以書名其筆法似宗黃山谷

劉璋書畫史

段天祐

段天祐字吉甫汴人官至江浙儒學提舉亦號能書

書史會要

魏敬益

魏敬益字士友洛陽人官至臨江總管古隸學廬江太守碑亦能篆

書史會要

李孟

李孟號秋谷至元中為平章政事字法道勁

馬嘏潞州志

智受益

智受益鄧州南陽人以善書負時望至元中擢荆湖行省都事終兩浙轉運使

鄧州志

張德琪

張德琪字廷玉燕人草書學張長史行書亦佳

書史會要

牛麟

牛麟字伯祥太原人大字尤為時所稱美

書史會要

趙鳳儀

趙鳳儀字瑞卿號怡齋汴人官至京畿都漕運使練達吏治善扁榜大字

書史會要

傅若金

傅若金字汝礪新喻人官至廣東廉訪照磨長於詩正書學歐陽率更書史會要

劉聞大

劉聞大與歐陽玄同時永新龍母吳氏墓銘太常博士劉聞大書圭齋集

許有壬

許有壬字可用其先居穎後徙湯陰延祐二年進士第授同知遼州事至正十五年拜中書右丞轉集賢大學士善筆札工詞章謚曰文忠元史本傳

蘇天爵

蘇天爵字伯修真定人釋褐授大都路薊州判官改翰林國史院典籍至正七年拜江浙行省參知政事九年為兩浙都轉運使為文長於序事詩尤得古法學者因其所居稱之為滋溪先生元史本傳

天爵書學趙魏公書史會要

王都中

王都中字元俞福之福寧州人以恩授南劍路順昌縣尹元統初以正奉大夫行戶部尚書兩淮都轉運使尋拜河南行省參知政事贈昭文館大學士謚清獻自號本齋元史本傳

都中以廉介自持為政簡而不煩大字似其為人小字亦善書史會要

王啟甫田集作畦

王畝字季野都中子官至成都路判官清峻有高譽具行草師二王度越流輩書

張翥

張翥字仲舉陶宗儀云號蛟菴晉寧人以詩文知名一時至正初名為國子助教以翰林學

士承旨致仕元史本傳

張翥蚤年書學鍾元常書史會要

汪澤民

汪澤民字叔志婺源州人延祐五年登進士第授同知岳州平江州事至正三年

召赴闕除國子司業與修史遷集賢直學士以禮部尚書致仕追封諡國公謚文

節元史本傳

澤民為文不事繪飾詩亦清婉尤以善書名家潛溪集

貢師泰

貢師泰字泰甫寧國之宣城人泰定四年釋褐出身授太和州判官擢應奉翰林

文字至正十五年除戶部尚書以文字知名元史本傳

師泰楷書亦善書史會要

泰不華

泰不華字兼善伯牙吾台氏初名達普化文宗賜以今名年十七江浙鄉試第一



明年賜進士及弟授集賢修撰至正十一年遷浙東道宣慰使追贈江浙行省平章政事封魏國公諡忠介善篆隸温潤道勁嘗重類復古編十卷改正訛字於經史多有據云元史本傳

泰不華篆書師徐鉉張有稍變其法自成一家行筆亦圓熟特乏風采耳常以漢

刻題額字法題今代碑額極高古可尚非他人所能及正書宗歐陽率更亦有體

格書史會要

### 烏古孫良楨

烏古孫良楨字幹卿號約齋元中書左丞字流麗在子山伯機之間程敏政董璫集

### 余闕

余闕字廷心一字天心青陽集云讀書青陽山自號青陽先生廬州人元統元年賜進士及弟授同知泗州

事俄召入應奉翰林文字至正十七年拜淮南行省右丞追封豳國公諡忠宣留

意經術為文有氣魄詩體尚江左篆隸亦古雅可傳元史本傳

余忠宣小字似不經意而豐處有褚遂良潦倒處有楊景度林藻豈漫不留意於

墨池者所能符合邪紫桃軒又綴

### 道童

道童高昌人自號石巖以世曾入官授直省舍人至正十一年以平章政事行省

江西加大司徒開府諡忠烈元史本傳

道童工大字能作雙鉤書書史會要

別兒怯不花

別兒怯不花字大用燕只吉斛氏授懷遠大將軍八番宣撫司達魯花赤至正二年拜江浙行省左丞相名還除翰林學士承旨拜中書左丞相七年進右丞相追

封冀王謚忠宣元史本傳

別兒怯不花善大字書史會要

伯顏不花的斤

伯顏不花的斤字蒼崖書史會要作蒼巖畏吾兒氏高昌王孫個儻好學初以父蔭同知信

州路事又移建德路以功陞本路總管至正十七年擢江東道廉訪副使謚曰桓

敏元史本傳

伯顏不花的斤鮮于太常甥草書似舅氏書史會要

慶童

慶童字明德康里氏早以勲臣子孫受知仁廟至正二十年拜陝西行省左丞相

元史本傳

慶童器量弘重政教宣著善大字書史會要

達識帖睦爾

達識帖睦爾陶宗儀作帖木兒字九成入國學為諸生讀經史悉能通大義尤好學書初以

世胃補官為太府監至正十五年為中書平章政事出為江浙行省左丞相陞右丞元史本傳

達識帖木兒能書大字學釋溥光小字亦有骨力書史會要

沙刺班

沙刺班字敬臣陶宗儀云字惟中號山齋畏吾人順帝之師也集賢大學士能詩文兼工大字

每與張翥論文翥多屈服續弘簡錄

孟棡

孟棡字叔敬博學有為至正初當路舉以儒試吏遷處州專司學校調温州以浙

東宣慰副使僉都元帥府事致仕更名主一精篆書得者寶之秦安無錫志

石巖

石巖字民瞻京口人官至縣尹隸書學韓尚書書史會要

李敏中

李敏中字好古河南人官至陝西行省郎中工大字書史會要

張璘

張璘字公弁保定人官至集賢大學士封滕國公早以才學知名篆書亦淳古可

取書史會要

倪中

倪中字中愷信州人官至翰林待制正書端謹清潤

書史會要

高翼

高翼字茂之南陽人官至嘉興路推官正行草書皆從晉宋規矩中來但以不知

六書偏傍時作謬字為識者所鄙耳

書史會要

翼善書小楷做樂毅論精悍整飭在揭曼碩之下所傳極少

六研齋筆記

汪從善

汪從善字國良杭州臨安人官至邵武路總管正書亦合晉人紀律兼能大字

書史

會要

任仁發

任仁發字子明號月山松江人

見畫史

官至浙東宣慰副使書學李北海

劉璋書畫史

宗椿

宗椿字壽卿山東人官至江南行臺照磨書學王黃華尤工大字

書史會要

余謙

余謙字峻山池陽人官至江浙儒學提舉善古隸

書史會要

謝子龍

謝子龍字雲從力學無所不窺文章典實詩亦溫潤兼工隸書至正中辟分教郡

庠

林應標惠安縣志

孟昉

孟昉字天緯

書史會要作天暉

本西域人寓居北平至正中由翰林待制官南臺御史工書

法續弘簡錄

劉楨

劉楨字廷幹燕南人官至福建行省參政能書

書史會要

胡益

胡益字士弓鄱陽人官參知政事真草師趙魏公都下碑刻多其所書

書史會要

羅元

羅元字迂仁平江人行楷有晉人風致

書史會要

錢良佑

錢良佑字翼之平江人吳興趙公巴西鄧公數引拔之署吳縣儒學教諭已代去

輒不復出晚自號江邨民人因以江邨先生稱之古篆隸真行小草無不精絕

黃文

謝公集

錢良佑至正間以書學名家

甫田集

良佑行書高朗卓越風格不讓鮮于困學

六研齋筆記

張性之

張性之

錢良佑

好古博學暇則臨池日不下千餘字雖造次顛沛一點一畫不苟駸駸

通翼之而窺古人之域鐵網珊瑚

吳壽民

吳壽民字仲仁與吳中文士倡和詩辭旨清麗書法道美悉出錢良佑翼之所授也甫田集

崔晟

崔晟工篆隸徐一夔始書篆

浦源

浦源長洲人至正間仕至大中大夫廣平路總管輕車都尉封京兆郡侯景德寺旁石刻乃源為同僉阿札刺室人童氏祠記其文宏博怪特字畫道勁足為名家

蘇州志

吳里

吳里字處仁號逸民錢塘人官至江陰州儒學教授草書師鮮于太常書史會要

劉惟一

劉惟一篆書朝元觀碑用筆古勁有碧落遺意咸時泰玄續記

宣昭

宣昭字伯綱號良齋漢東人有雅行博通古今尤精翰墨正書師歐陽率更字字

該備八法書史會要

鄭杓

鄭杓字子經羅源人泰定中辟南安儒學教諭與陳旅為文字友著衍極五篇衍極記載三篇其書自倉頡迄蒙古凡古人籀篆以極書法之變皆在所論宣撫使齊伯亨采而上之作衍極堂以藏其書何喬遠閣書

鄭杓能大字兼工八分書史會要

余襄

余襄番禺人工篆而大字尤善書史會要

程君寶

程君寶灤源人草書有顛素之體書史會要

王翼

王翼字元徽號華陽生金壇人有所篆四書行於世書史會要

應在

應在字止善句章人工篆嘗作篆隸偏傍點畫辨行於世書史會要

吳炳

吳炳字彥輝汴人身安畎畝朝廷三聘不起工篆書書史會要

漢淮源廟碑漫漶不可讀杜昭守唐州乃延吳炳參用漢隸釋書舊文於石而刻

之弁州續集

邊武

邊武字伯京隴西人行草專學鮮于太常時有亂真者書史會要

邊定

邊定字文靜邊武子正書學宣昭亦稱善書史會要

俞鎮

俞鎮字伯貞嘉興人官至建德縣尹行草師李北海書史會要

董復

董復字君復沂州人居鎮江書學鮮于太常書史會要

李申伯

李闕其名字申伯江右人官至集賢待制古隸專學孫叔敖碑得方勁古拙之法書史會要

要

林鏞

林鏞字叔大嘉興人官至江浙行省負外郎正書學虞永興而未熟書史會要

王務道

王務道字弘本山陰人古隸學孫叔敖碑書史會要

吳志淳

吳志淳字主一曹南人列朝詩集云歷官靖安都昌二尉簿除待制翰林古隸學孫叔敖碑書史會要



洪恕

洪恕字主敬金華人元末避兵居松江能詩善行草書以講授終松江人  
洪恕始學鮮于太常亦號能書後乃放手法度之外無足觀矣書史會要

胡布

胡布字子申河南人書學傳授云一字建民時江人有材氣善草書書史會要

胡布得書法於宋克或謂與宋克同受學於紹興老僧解縉書學傳授

曹楚

曹楚字子學東平人善古隸書史會要

陳遠一作達

陳遠字元達永嘉人官至崇文少監太子贊善志行修整具草師二至不以規矩

書史會要

鄭禧

鄭禧字熙之吳郡人亦善書書史會要

朱振

朱振字良玉番揚人草學聖教序真師趙魏公書史會要

蔣惠

蔣惠字季和號紫芝山人番陽人博學多通機敏有幹行草師鮮于太常多晉人

氣格 書史會要

楊遵

楊遵字宗道浦城人徙居錢塘篆隸皆師杜待制 書史會要

王默

王默字伯靜一字子章松江人善談論喜讀書徵至京師書金字釋典擬官翰林

力辭歸求書者填戶張天雨稱其豪宕不羈有姜白石之風 松江志

王默書學趙魏公行筆甚健 書史會要

王餘慶

王餘慶字叔善婺州蘭溪人仕為江南行臺監察御史以儒學名重當世 元史吳師道

傳

餘慶草書學夔正齋甚似 書史會要

王順

王順字祖孝餘慶子善正書 書史會要

繆貞

繆貞字仲素常熟人善篆隸真行書好古博識隱居不仕善八分小篆追蹤張有

正書尤高古致道觀虞山福地四篆字李烈士碑隸書其蹟也旁有正書題識尤

佳所著有書學明辨 鄧綬常熟志

繆侃

繆侃字叔正

貞子

詩工玉臺小體書善楷隸

玉山草堂雅集

鄔進禮

鄔進禮字行義武陵人書師趙魏公

書史會要

張體

張體字孟庸江陰人隸書時作顛掣勢苦學李重光金錯刀法而行楷亦善又雙

鈎書極純熟可喜

書史會要

陳睿

陳睿字思可會稽人學藝妍瞻真楷宗智永

書史會要

唐志大

唐志大字伯剛如臯人多蓄古法書名畫行草落筆峻激畧無滯思

書史會要

曹永

曹永字世長松江人穎悟好學尤工八法至正間以蒙古字學進除安州學正官

至巡檢江浙行省辟為宣使

松江志

曹永正書學鍾元常行草學二王

書史會要

黃中

黃中字彥美武林人草亦可尚

書史會要

歐復

歐復字伯誠番禺人善古隸書史會要

易履

易履字安道茶陵人能草書史會要

葛萬慶

葛萬慶廬山人居越中號越臺洞主能為詩務出人不道語善草書酒酣落筆愈

得其妙書史會要

衛德辰

衛德辰字中立華亭人素以材幹稱書學舍利塔銘書史會要

衛仁近

衛仁近字叔剛德辰姪楷書學黃庭經蘊藉有風致書史會要

章弼

章弼字共辰松江人篤志經史識度清遠未十歲即能扁榜大字及長真行草篆

皆師趙魏公書史會要

陳德永

陳德永字叔夏黃巖人德望清重書宗李北海書史會要

范守中

范關其名字守中黃巖人博綜羣籍才行高潔書師趙魏公州里碑碣所書為多書史會要

楊彝

楊彝字彥常錢塘人登進士第官至翰林編修篆隸正書咸可取書史會要

楊惠

楊惠不知何許人嘗任江南行臺監察御史善大小二篆書史會要

龔觀

龔觀豫章人能篆書史會要

陶煜

陶煜字明元號白雲漫士上虞典史贈承事郎福建江西等處行樞密院都事早

歲學書於雪菴得其典則書史會要

陶復初

陶復初字明本號介軒老人台州儒學教授贈從事郎温州樂清縣尹小篆師徐

張古隸師鍾梁書史會要

陶宗暹

陶宗暹一名文昭字晉生江淞等處儒學副提舉楷書學歐陽率更書史會要

盛熙明

盛熙明其先曲鮮人後居豫章清修謹飭篤學多材工翰墨亦能通六國書至正甲申嘗以所編法書考八卷進上覽之徹卷命藏禁中

書史會要

劉若水

劉若水字澹齋女直人喜弄觚翰

書史會要

劉堧

劉堧字公坦陶宗儀云若水子童時趙子昂賞其秀異書小齋二字貽之遂自號小齋工詩

文精書法恬放自守至正間辟帥府照磨不久謝歸

列朝詩集

劉堧亦能篆

書史會要

蕭搏

書史會要 作鵬搏

蕭搏字圖南本契丹人金王黃華甥博學多能詩書畫皆追蹤舅氏

書史會要

甘立

甘立字允從河西人官至中書檢校才具秀拔亦善筆札

書史會要

幹玉倫都

幹玉倫都字克莊西夏人官至山南廉訪使以文章事業著書蹟亦佳

書史會要

薩都刺

薩都刺字天錫回紇人登進士第官至淮西廉訪司經歷有詩名善楷書

書史會要

普花帖木兒

普花帖木兒字兼善蒙古人官至江南行臺御史大夫善大字

書史會要

康里不花

康里不花字普修也里可温人官至海北廉訪使篤志墳籍至於百氏數術無不

研覽書宗二王

書史會要

拔實

拔實字彥卿凱烈人官至禮部尚書行草宗晉人

書史會要

榮僧

榮僧字子仁回紇人登進士第官至江浙行樞密經歷楷書師虞永興

書史會要

悟良哈台

悟良哈台蒙古人官至淮南行省平章嘗奉勅書平徐碑

書史會要

喜山

喜山字近仁畏吾人官至集賢都事亦工書

書史會要

隱也那失理

隱也那失理字處元畏吾人楷書學虞永興而不熟

書史會要

夾谷希顏

夾谷希顏居江右小篆清勁有法

書史會要

馬九臯

馬九臯以字行回紇人官至太平路總管能篆書書史會要

馬九霄

馬九霄九臯弟亦能篆書書史會要

松壑

松壑以字行蒙古人士夫間多推其書書史會要

邊魯

邊魯字魯生鄴下人見畫家傳工古文奇字書史會要

劉有定

劉有定字能靜林承霖莆陽詩編云號原範莆田人能知六書之旨書史會要

謝庭芝

謝庭芝字仲和號雪村善書詩亦工常熟志

陳仁壽

陳仁壽字景禮上虞人應寫金字經孔行素至正直記

舒頤

舒頤字道原績溪人至元丁丑辟池陽教諭至正庚寅轉台州學正為詩蒼古不

貴纖巧習字尤喜樸拙識者曰宗漢隸非八法也名其齋曰貞素學者稱曰貞素

先生列朝詩集



舒頔自作貞素先生傳云風清畫閑或篆隸數章意與筆悟則快然自得雖不逮斯繇然時人亦莫予解

貞素齋集

韓與玉

韓與玉浙人能書迺賢長於歌詩王子充善古文人目為江南三絕

續弘簡錄

徐仁則

徐仁則字伯敬世為明之奉化大族早孤奉母鞠弟至行有聞於時家貧益自勵嗜字學有能名王公碩儒皆慕重之

通賢金臺集

桂梓

桂梓字材甫饒之安仁縣人幼而機敏不隨常兒嬉狎刻意工字畫

侯菴集

林春山

林春山號漫翁著草韻清臞峭勁精密妙巧盤旋迴斡字字中度

黃淵四如先生文集

趙杰

趙杰吳興人趙魏公之後行楷宗家學

劉璋書畫史

鄭琮

鄭琮字叔方書法得鍾繇筆意一時號能書

鄭玉師山集

汪罕

汪罕官主簿工書善畫所至醉墨淋漓人爭取之以為奇玩

師山集

陳穎達

陳穎達官太常善飛白書陳高不繫舟漁集

王子玉

王子玉筆工也兼能書周權此山集

上官叔權

上官叔權善篆隸雪坡集

湯彌昌

湯彌昌字師言吳郡人博學能文初授長洲教諭鄱江清獻兩書院長轉建寧路

教授交易靜春集

湯彌昌善書詹氏小辨

堵簡

堵簡字無傲能書畫為浙省掾張神元賢翰劉疏

王懋

王懋字公玉嵯縣人操行端慤能詩文且工篆楷戴冠紹興志

楊元正

楊元正吉水人官翰林檢討善行草書其隸法師蔡邕為時所重續弘簡錄

李康

李康字寧之桐廬人事母篤孝人稱孝子工詩文旁及書畫琴弈無不冠絕一時行省宰臣欲官之以母老辭續弘簡錄

程大本

程大本雪樓文憲公子官至奉直大夫祕書監常與馮道恭書度人經其父跋之

劉璋書畫史

高暹

高暹蜀人

見畫家傳

善草書

唐同天衢舒嘯集

申屠激

申屠激字敬仲諸暨人受業黃文獻公之門得其淵源工古文辭精篆籀小楷足

配秦晉

孫鑛紹興志

翟炳

王鼎

賈竹

翟炳字欽夫林州人詩效樂天體尤善楷書道勁可法與同邑王鼎字大鼎賈竹字彥清俱工翰墨能詩隱居不仕時稱林慮三隱人續弘簡錄

柴貞

柴貞南和人為晉寧州學正善楷書古篆

翟濟遠南和縣志

朱旭

朱旭字子陽為中顯校尉海道千戶不樂仕進退居田間從士大夫遊通經史工

小楷篆隸 太倉州志

成廷珪

成廷珪字元常興化人種竹數竿號居竹養母甚孝博學工書 興化志

劉堪

劉堪字子輿嘉善人至正間隱居讀書工文辭尤善古隸 章士雅嘉善志

馮寅賓

馮寅賓屬文蒼古峭拔書法清勁逼鍾王 尹臺永新縣志

王得貞

王得貞字義方霍州人至正間為懷慶路總管攻詩有聲書得草聖之妙 山西通志

程祺

程祺字子相新城人日記萬言詩篇敏給工書欲與鮮于樞抗衡趙孟頫相高下

王林江西新城志

楊剛中

楊剛中書篆間丘公祠記雖未足名家而能規模吳興 墨林快事

劉仁本

劉仁本 順帝時人元至正修學記劉仁本撰書字意道媚清脫甚可愛 墨林快事

范庸

范庸順帝時人謁司馬溫國公墓詩至元改元洞羊後學范庸書求古錄

趙穀

趙穀順帝時人謁中鎮崇德應靈王廟詩正元元年秋奉議大夫太常禮儀院判官趙穀

用宋太常博士陳綱韻并書求古錄

顧游

顧游順帝時人孔穎達碑螭首嵌空處有至正四年三月顧游特看此碑墨書十二字積

泥土中拭視如新石墨鑄華

莊文昭

莊文昭順帝時人都城隍廟碑立於至正四年九月余闕撰文莊文昭書緇素錄

王敬方 吳鐸

王敬方吳鐸順帝時人至正七年褒封水記中奉大夫甘肅等處行中書省叅知政事王

敬方述并書中奉大夫江南諸道行御史臺副御史吳鐸篆額續吳郡志

葛禔

葛禔順帝時人大都崇國寺重建碑至正十一年大竹林寺沙門雪澗法楨撰奉訓大夫

中書刑部侍郎葛禔書日下舊聞

歐陽光

歐陽光順帝時人武略將軍大都路都總管府判官宋侯墓碑至正十四年翰林學士承

旨歐陽光書 固安縣志

朱桓

朱桓順帝時人贈畫師朱叔重序至正十五年大梁朱桓書 鐵網珊瑚

劉彥明

劉彥明順宗時人魏泰咸陽懷古詩石刻至正二十年縣尉劉彥明書 王家瑞咸陽金石遺文

佩文齋書畫譜卷第二十九

書家傳十八

元三

楊維禎

楊維禎字廉夫號鐵崖會稽人擢進士第署天台尹陞江西儒學提舉避地富春

山徙錢塘張士誠累招之不往行草書雖未合格然自清勁可喜 劉璋書畫史

鐵崖不以書名而矯傑橫發稱其為人 懷麓堂集

倪瓚

倪瓚字元鎮無錫人 見畫家傳強學好修性雅潔所居有閣名清閬喬木修篁蔚然深秀

故自號雲林雅趣吟興每發揮於縑素間蒼勁妍潤尤得清致晚益務恬退黃冠

野服浮遊湖山間 周南老雲林先生墓志銘

倪先生人品高軼其翰札奕奕有晉宋人風氣 甫田集

倪瓚書從隸入，輒在鍾繇、薦季直表中，奪舍投胎，古而媚密，而疎。徐渭文長集

雲林書師大令，無一點俗塵。何良俊四友齋叢說

倪元鎮書學楊義和黃素黃庭。六研齋筆記

王蒙

王蒙字叔明，號黃鶴山樵。見畫家傳吳興人。趙文敏公之甥，強記力學，作詩文書畫盡有

家法。玉山草堂雅集

黃鶴山人書當不在趙魏公下。錢弼家藏集

吳鎮

吳鎮字仲圭，號梅花道人。嘉興魏塘人。見畫家傳善書畫，為人抗簡孤潔，高自標表。孫作滄

螺絲筆

仲圭草學晉光。書史會要

梅道人書作藏真筆法，古雅有餘。六研齋三筆

顧德輝

顧德輝字仲瑛，別名阿瑛，崑山人。舉茂才，署會稽教諭，力辭不就。隱嘉興之合溪，

自稱金粟道人。至元之季，子元臣為水軍副都萬戶，仲瑛封武略將軍，飛騎尉，錢

塘縣男。列朝詩集

金粟道人顧君墓志銘，至正戊戌，顧阿瑛自製并書。朱珪名蹟錄

金粟手筆未得多見行楷楚楚奄有洛神畫贊風軌 六研齋二筆

崔彥輝

崔彥輝錢塘人號雲林生與王蒙俱吳興趙氏甥隱居賣藥善篆隸詞賦 陳善杭州志

陳方

陳方字子貞京口人寓於吳鄭明德張伯雨倪元鎮皆與之游晚主無錫華彥清家後不知所終 劉鳳續吳先賢讚

陳方善書 詹氏小辨

王逢

王逢字原吉 江陰志云號梧谿子 江陰人避亂於淞之清龍江復徙上海之烏涇築草堂以居

自號最閒園丁張氏據吳大府交辟堅臥不就 列朝詩集顧起綸國雅云王逢號席帽山人

原吉才氣俊爽其屬辭於詩尤長作行草初非經意大率具書家風範 書史會要

李祁

李祁字一初號希蘧又號危行翁茶陵人李齊榜進士為江浙儒學副提舉楷法

精甚大書行草亦道逸含古意 懷麓堂集

李位

李位祁子李東陽書雲陽集後云希蘧府君詩文集十卷家有舊本題云男位編

集字畫瘦勁有家法 懷麓堂集



錢惟善

錢惟善字思復錢塘人號曲江居士又自稱心白道人官至副提舉張氏據吳退  
隱吳江之筒川工書法其卷冊多留傳人間續弘簡錄

陳岳

陳岳字申甫不著里籍隱居天台委羽山善書畫陸樹聲學士題跋

盧彥昭

盧彥昭海虞人元季嘗從楊鐵崖游詞翰皆清雅可觀自號絲桐老人鮑養家藏集

吳毅

吳毅富春人鐵崖門人以詞翰名家甫田集

張玄度

張玄度好學工詞翰雲林集

張遜

張遜字仲敏姑蘇人見畫家傳博學善屬文書畫俱絕玉山草堂雅集

李元珪

李元珪字廷璧河東人書法如困學玉山草堂雅集

李廷璧作行草勁爽可愛詹東園玄覽

呂誠

呂誠字敬夫吳之東倉人幼聰敏喜讀書尤精楷法

玉山草堂雅集

沈明遠

與顧德輝同時玉山草堂春暉樓綠波亭吳興沈明遠隸顏

玉山名勝集

馬孟昭

與顧德輝同時玉山雅集詩序云今夕之會誠不易得趙善長秉筆作圖余索孟昭

楷書以識

玉山璞藁

熊夢祥

熊夢祥字自得江西人通羣書旁曉音律能作數體書以茂才舉教官輒棄去放意詩酒游淮浙間卜居婁江上自號松雲道人與顧仲瑛為忘年交

錢肅樂大倉州志

觀閻元賓

觀閻元賓累官監杭郡善書治蹟多可稱焉

梧溪集

篤列圖

篤列圖字敬夫捏古氏燕山人年甫冠及第授集賢修撰累遷南臺御史

梧溪集

篤列圖善大字

書史會要

李介石

李介石字守道以書見省臣命草符檄遂器重之授松江府提控按牘從守鎮江王逢有寄李守道詩云西湖有奇士少負不羈才酒外嗜八分席地畫青苔

梧溪集

介石以儒術飾吏事亦能古隸書史會要

張樞

張樞字夢辰陳留人徙家華亭工行楷日與子弟數十人講春秋或勸之仕不應

人以是高之稱曰林泉民列朝詩集

陶南邨贈夢辰詩云寫書竹簡拈鮮碧臨帖藤箋搨硬黃南邨集

任序

任序字本初學古近體詩句法圓熟興趣清遠臨歐陽率更帖尤得其筆意汪克寬

環谷集

藍仲晦

藍仲晦書三體千文清健雅麗沈著痛快篆得古意草隸無一脫法無一敗筆吳海

聞過齋集

張梅間

張梅間出劉桂隱先生之門工吟咏尤善行草書周寔震石初集

趙良弼

趙良弼字君卿東平人見畫史補嘉興路吏遷調杭州能書鍾嗣成錄鬼簿

楊晉

楊晉字昇之學顏書頗整巧鐵網珊瑚

魏雲瑞

魏雲瑞字祥卿鄂之蒲圻人善學米南宮書得之者如獲拱璧

潛溪集

戴士垚

戴士垚字仲積婺浦江人喜作唐古體詩工晉楷法

潛溪集

張明卿

張明卿字子晦天台人為文章有臺閣體遊戲翰墨筆法穠逸可玩

潛溪集

葉孝墅

葉孝墅世居天台雅志好學善楷書煉金石草木為丹劑稱精妙

陳基夷白齋集

楊翮

楊翮字文舉金陵人元末提舉江浙學校楊孟載悼楊文舉詩云八分書古追東

漢七字詩工到盛唐

眉菴集

徐恢祖

徐恢祖常熟人至正末嘗集鄉兵捍閭里里人賴之別號春軒工草書

雙墩集

邵光祖

邵光祖字弘道博學好古於字學尤精研窮六書之旨有以先賢康節子孫論薦於朝不報張士誠據吳授湖州學正亦不赴以布衣終其身

張泉吳中人物志

孫華

孫華字元實永嘉人僑居華亭誦經考史以博雅聞尤好岐黃家用薦為醫學教授好修潔所居小閣列古彝鼎法書名畫焚香靜坐終日書非佳墨熟紙不作

列朝詩集

俞庸

俞庸字子中華亭人仕為推官書法趙吳興

列朝詩集

沈性

沈性字自誠吳興人少孤養母以孝聞善吟唐人詩工八分小篆

列朝詩集

李世英

李世英字伯英長洲人精書學作韻類其義以字為本音為幹義訓為枝葉自一

而二井井不紊凡十年而成書

蘇州志

王璪

王璪字仁仲吳縣人學有淵源工詩章書翰尤善鼓琴隱居不仕自號城南逸民

吳中人物志

朱燧

朱燧字子新吳郡人勵志苦節工為詩詞尤善行草肆情山水遇酒輒醉僑居笠

澤之濱後不知所終

吳中人物志

王興祖

王興祖順帝時人至正六年池州路徙建憲司分治記王興祖隸書玄續記

邵祖義

邵祖義官池州學錄能詩工篆隸顧清松江志

范寧

范寧善楷書馮嗽徐州志

李希文

李希文任伴讀精篆隸歐陽東鳳興化縣志

張端

張端字希尹江陰人博學能文有詩才尤精書翰動止雅飭有儒者風度家於溝

南鄉人稱為溝南先生累官江浙行樞密院都事海鹽判官常州志

程政

程政績溪人見畫家傳能詩工書徽州志

兀顏思敬

兀顏思敬字子敬色目人寓居東平自稱齊東野老善書法精於賞鑒山東通志

張如遇

張如遇東昌人七歲能書大字有司薦於國學山東通志

周起巖

周起巖福山人博覽經史尤長於書屢舉不第隱居邑北村

山東通志

沈右

沈右字仲說號寓齋故吳中富家其文學行誼皆有足重而出處之跡不少槩見

書法最精

清田集

朱珪

朱珪字伯盛吳人工古篆籀精於六書之義

鐵網珊瑚

珪從吳睿授書法凡三代金石靡不極意規倣

蘇州志

顏耕道

顏耕道平江人博古工於詩尤善草書隱居以詩自娛築室黃山號林泉野老

湖

廣通志

褚奐

一作英非

褚奐字士文一作士文錢塘人篆隸專學吳睿惜其不能以古人為師伎遂止於此耳

書

史會要

元崑山州重修學宮碑至正二十一年楊維禎撰將仕郎杭州路海寧州判官褚

奐書并篆額

名蹟錄

陳邁

陳邁與楊維禎元武林弭舊記天台縣尹楊維禎撰江浙儒學副提舉陳邁書

廖瑜杭州

余詮

余詮與楊維禎同時元故殷處士墓碣至正廿三年會稽楊維禎撰豐城余詮書名蹟錄

陸定龍

陸定龍未詳何時人汪珂玉元名公翰墨卷有谷陽陸定龍書珊瑚網

高明則

高明則字誠甫永嘉人元名公翰墨卷有高明則書珊瑚網

高昉

高昉未詳何許人官至中書右丞常篆江右番君廟碑額書畫史

孔叔平

孔叔平未詳何許人嘗為史官能古隸書畫史

唐懷德

唐懷德字思誠婺人嘗為衢路學錄精字學得虞伯施法有書學指南傳世書畫史

王堅

王堅字學周號坦坦道人松江人書蹟宗趙魏公書畫史

曹本

曹本未詳何許人善篆書書畫史



朱宜民

朱宜民不知何許人工隸書書畫史

趙衷

趙衷字原初吳江人世本業醫能篆隸號東吳野人書畫史

完顏子周

完顏子周末詳何許人居吳興之雲溪工篆書書畫史

張裔

張裔字朝宗能真草書史會要

湯熒

湯熒號箕山瀏陽人進士及第能篆書史會要

陳子翬

陳子翬字象賢奉化人負器幹精藝文書法李邕嘗為慶元路教諭寧波府志

陳子翬兼工草書史會要

張文盛

張文盛字彬之秣陵人長於詩工草隸書史會要

王奇

王奇字文顯潞州人作草間有可取者書史會要

莫昌

莫昌字景行武林人隸亦古拙

書史會要

艾斐

艾斐字季成臨川人博學多才善隸書

書史會要

鄒偉

鄒偉字元偉南昌人學藝淵博善具草篆隸

書史會要

張去偏

張去偏字從正餘干人有學行善具草

書史會要

范居中

范居中字子正武林人亦工筆札

書史會要

杜從訓

杜從訓字義方鄆城人官至江陰州尹書效蘇黃

書史會要

張伯仁

張伯仁字至道閩人善篆及行草

書史會要

鄭炳

鄭炳字元炳餘姚人書蹟似晉人

書史會要

汪正

汪正字大雅四明人工八分書

書史會要

李林

李林字九臯錢塘人古隸學受禪表

書史會要

陳謙

陳謙字伯謙天台人正書師虞永興

書史會要

王禮

王禮字禮仲揚州人篆宗張謙中

書史會要

何仲章

吳志行

呂中立

鄧學可

陳宗亮

卓習之

朱俊卿

徐子愚

何仲章吳興人吳志行錢塘人呂中立會稽人鄧學可維揚人陳宗亮諸暨人卓

習之慶元人朱俊卿武陵人徐子愚嘉禾人皆留心翰墨有聲於時

書史會要

張童子

張童子關中人七歲能作字至徑丈者緊結勁正骨肉相副筆力千鈞類非童子

所到不言其人雖以為老於書者可也

蒲道源順齋集

周伯琦

周伯琦字伯溫

陶宗儀云號玉雪坡真逸

饒州人以蔭授南海縣主簿三轉為翰林修撰帝以伯琦

工書法命篆宣文閣寶仍題扁宣文及摹王羲之蘭亭序智永所書千字文刻石

閣中招諭平江張士誠拜江浙行省左丞留平江者十餘年

吳寬平吳錄云伯琦被留於吳張氏為造第宅於乘魚橋此文舉留連因亦志歸伯琦博學工文章而尤以篆隸真草擅名當時嘗著六書正訛

說文字原二書元史本傳

至正間初改奎章閣為宣文朝臣咸謂必命嚶嚶書榜時周伯琦雖在館閣精篆

書未為上知嚶嚶日令書宣文閣榜十數紙周不識其意一日有旨嚶嚶書閣榜

辭曰臣所能者真書不古古莫如篆周伯琦篆書今世無過之者上如其言召之

書由是進用天都載

伯琦篆師徐鉉張有行筆結字殊有隸體正書亦善書史會要

伯琦古篆得文敏公遺意字頗肥而玉潤可愛鐵網珊瑚

### 周宗仁

周宗仁字克復伯琦子官山東行省郎中篆書宗家學然不逮父續弘簡錄

### 蔣冕

蔣冕字啓端工小篆從游周左丞伯温之門吳中人物志

### 饒介

饒介字介之臨川人自翰林應奉出僉江浙廉訪司事張氏入吳慕其名以為淮

南行省參知政事家采蓮涇上日以觴咏為事書似懷素詩似李白自號華蓋山

樵亦曰醉翁列朝詩集

饒介草書亦飄逸

書史會要

饒介書圓勁暢朗神追大令

六研齋筆記

陳秀民

陳秀民字庶子温州人博學善書至正中為武岡城步巡檢知常熟州張氏時為

參軍歷江浙行中書省參知政事翰林學士

列朝詩集

蘇大年

蘇大年字昌齡號西坡真定人居揚州

列朝詩集云大年元末官翰林編修避兵居吳張氏間藩特見知遇用為參謀稱為蘇學士

工八分行

書

書畫史

李繹

李繹字叔成錢塘人仕張氏以詞翰名家

甫田集

張仲壽

內臣張仲壽字希靜號疇齋錢塘人官至翰林學士承旨行草宗義獻甚有典則

亦工大字

書史會要

宋嘉禾

宋嘉禾上黨人

圖繪寶鑑云伶優也見畫家傳

潛心書畫

畫史會要

張與材

天師張與材字國梁號薇山別號廣微子封留國公作大字有法草書亦佳

書史會

要

張嗣成

天師張嗣成號太玄與材子亦善草書

書史會要

吳全節

宗師吳全節號閒閒番陽人制授特進上卿玄教大宗師崇文弘道玄德廣化真

人草書亦英拔

書史會要

丘處機

真人丘處機字通密號長春登州棲霞縣人詔贈長春演道主教真人行草宗黃

山谷

書史會要

薛玄義

真人薛玄義字玄卿號上清外史貴溪人行書得體

書史會要

玄卿為學弘博好古書法為詩有飄飄凌雲之風

道園學古錄

玄卿早工於詩四方傳誦風日清美輒賦詩為行草書

侯翁集

方從義

道士方從義字無隅號方壺

見畫家傳

貴溪人工詩文善古隸章草

書史會要

祝玄衍

道士祝玄衍號丹陽貴溪人能大字

書史會要

張雨

道士張雨字伯雨號句曲外史

玉山雅集云一名天雨號貞居士

錢塘人博聞多識善談名理作詩自

成一家字畫亦清逸

書史會要

倪瓚云貞居真人詩文字畫皆為本朝道品第一

鐵網珊瑚

高啓云貞居早學書於趙文敏後得茅山碑其體遂變故字畫清道有唐人風格

同上

張來儀云張貞居生平慕米南宮之為人故其議論襟度往往類之其詩句字畫

清新流麗有晉唐人風流不蹈南宮狂怪怒張之習

同上

文待詔云貞居書法先學松雪後入陶隱居稍加峻厲便自名家

袁中道游居錄

貞居書師北海間學素師雖非正脈然自有一種風氣

四友齋叢說

張伯雨書性極高人言其請益趙魏公公授以李泰和雲麾碑書頓進日益雄邁

魏公平日學泰和得其舒放雍容而伯雨獨得其神駿所以不同

六研齋三筆

鄭樵

道士鄭樵字無用號空同生盱江人作古隸初學孫叔敖碑一時稱善後乃流入

宋季陋習無足觀者

書史會要

趙宜裕

道士趙宜裕大梁人善古隸

書史會要

周蘭雪

道士周蘭雪信州人能篆隸書史會要

孫德或

道士孫德或字用章眉山十一歲為道士未嘗忘讀書武宗賜真人號仁宗累

加恩命管領諸路道教居終南山重陽宮道園學古錄

馬丹陽真人碑至元癸未學士王利用撰孫德或書文頗詳腴而書尤勁有魯公

遺意王氏法書苑

李道謙

道士李道謙世宗時人金重陽王真人碑密國公壽撰元道流李道謙書之道偉有法弁州

山人葉

李志宗

道士李志宗世宗時人元重修說經臺碑李道謙撰李志宗書石墨鐫華

杜道堅

道士杜道堅世宗時人元希聲堂碑朱象先撰杜道堅書石墨鐫華

蕭善齋

道士蕭善齋號宗淵子至正間人工隸書有書道德經傳於世書畫史

蕭登



道士蕭登字從善工隸書

書畫史

釋巴思八

帝師巴思八土波國人采諸梵文創為國字

書史會要

釋溥光

釋溥光字玄暉號雪菴俗姓李氏大同人特封昭文館大學士賜號玄悟大師為詩冲澹粹美善真行草書尤工大字國朝禁扁皆其所書

書史會要

趙松雪過酒肆見帝字駐視久之謂當世書無我逮者而此書乃過我問知為雪菴李溥光也因薦之朝

懷麓堂集

釋溥圓

釋溥圓字大方號如菴

圖繪寶鑑云俗姓李氏

河南芝田人居燕京能詩於溥光為法弟遂學

其書

書史會要

釋圓琛

釋圓琛字仲寶山西人金末避亂留內黃善為詩兼習書法有以牋素請者隨手應之不厭結草廬城傍穿池引水種白蓮其中自號蓮菴大德元年卒

滿仲駿大名府志

釋至温

釋至温字其玉號全無邢州郝氏子也博記多聞論辨無礙百家諸子之言多所

涉獵又善草書有顛素之遺法太保劉文貞公薦至温可大用召見將授以官弗受錫號曰佛國普安大禪師 道園學古錄

釋可中

釋可中字南山天台人真草師晉人甚工 書史會要

釋祖瑛

釋祖瑛字石室吳江人書學趙魏公 書史會要

釋允

釋允字中爨錢塘人書學趙魏公 書史會要

釋梵琦

釋梵琦字楚石慶元人工行草有書名 書史會要

釋大智

釋大智字南溟天台人工正書 書史會要

釋克新

釋克新字仲銘番陽人能文有雪廬集亦能古隸 書史會要

釋靜慧

釋靜慧字古明松江人正書師虞永興甚得其法但欠清婉 書史會要

釋夷簡

釋夷簡字易道義興人書師張雨

書史會要

釋密詣

釋密詣字道初天台人書師虞永興

書史會要

釋慧敏

釋慧敏字仲膚天台人正書學晉兼能篆

書史會要

釋道原

釋道原字竺隱天台人能詩文行草有法

書史會要

釋永芳

釋永芳字草庭書學張旭

書史會要

釋明本

釋明本號中峰錢塘人居天目山仁宗賜號廣慧禪師憩止處曰幻住山房手書

遺蹟留院中者甚多賜謚普應國師

松江志

明本書類柳葉雖未入格亦自是一家

書畫史

釋劉順

釋劉順住天目山有法語真跡小真行書

珊瑚網

釋宗衍

釋宗衍字道原吳人善書法至正初住石湖楞伽寺

碧山堂集

釋懷深

釋懷深號慈受工字畫筆意圓熟動中規矩

潛溪集

釋行端

釋行端字景元一字元叟臨海儒家何氏子年十一得度於餘杭之化城縣以餘

力施於篇翰尤精絕古雅

寒拾里人筆

釋誠道元

釋誠道元號覺隱見畫家傳喜作狂草所書吳江長橋歌一首極雄宕可喜

六研齋三筆

釋定

釋定成宗時人大都路香河縣坊市西道院仁公塔院記大德三年八月比丘僧定書丹

香河縣志

釋法楨

釋法楨號雪澗崇國寺隆安選公傳戒碑在千佛殿阼階南僧雪澗書

奕碑錄

釋福珪

釋福珪順帝時人天開寺碑至元三年沙門福珪撰并書

國門近游錄

釋正印

釋正印順帝時人元實際川禪師影堂逸事至正九年玉几松月道人正印書

名蹟錄

釋洪注

釋洪注順帝時人天開寺碑至正十一年沙門洪注撰并書國門近游錄

釋元旭

釋元旭順帝時人元名公翰墨卷有釋元旭書珊瑚網

龍巖上人

龍巖上人善草書蒲道源贈詩云韓公浮屠多技能祇今復見龍巖僧高閑懷素去已久肯向死灰求續燈手追心慕忽有得筆底煥然無滯疑鐵為門限自茲始但恐紙價相仍增蒲道源開居叢藂

管夫人

管夫人道昇字仲姬吳興人書史會要云趙魏公室延祐四年封魏國夫人翰墨詞章不學而能

心信佛法手書金剛經至數十卷以施名山名僧天子命夫人書千文勅玉工磨玉軸送祕書監裝池收藏又命孟頫書六體為六卷雍亦書一卷且曰令後世知

我朝有善書婦人且一家皆能書亦奇事也松雪齋集

管夫人書牘行楷與鷗波公殆不可辨同異衛夫人後無儔空室室集

王夫人

王夫人名圭卿號春温曹伯啓題王夫人書畫卷後云畫傳當代功尤妙字學前

賢體更多漢泉漫葉

八達氏

八達氏忽都虎郡王太夫人也長清縣靈巖山寺中碑至治元年八達氏有詩二句曰巖前松檜時時綠殿上君王歲歲春大字刻之不類婦人筆

金石文字記

趙夫人

趙夫人鸞字應善雍古部氏中書平章世延女中書參政許有壬室朗惠厚靜能

琴書善筆札

書史會要

游夫人

游夫人雷機母延祐間贈建安郡君夫人善書而有文

潛溪集

危氏

危氏諱德馨字蘭玉雷機室贈建安郡君通書記作字有楷法

潛溪集

徐氏

徐氏如珪鄭天覺妻通論語孝經大義工書亦有法

見瓊清江集

劉氏

劉氏不知何許人孟運判妻也性巧慧能臨古人字咄咄逼真

書史會要

柯氏

柯氏天台人九思之女通經史善筆札

書史會要

段氏

段氏天祐之女能詩章善筆札

書史會要

士女曹妙清

士女曹妙清自號雪齋錢塘人善鼓琴工詩行書點墨皆有法度三十不嫁風操可尚嘗寫詩寄鐵崖鐵崖答之云紅牙管帶紫狸豪雪水初融玉帶袍寫得薛濤萱草帖西湖紙價可能高玉帶袍其硯名

列朝詩集

陳自幼

陳自幼能書適南潯姚氏一意奉佛有手書觀世音普門品趙榮祿題其後

六研齋

筆記

比丘尼妙湛

比丘尼妙湛管夫人為寫長明菴圖妙湛小行書題其上

珊瑚網

劉氏

劉氏名梁園秀歌兒也才藝精妙喜文墨能作樂府時吟小詩亦佳字畫楷正

書

史會要

佩文齋書畫譜卷第三十九

佩文齋書畫譜

卷三十九

書家傳十八

三

同文圖書館印

C. T. LOO & CO.  
41 EAST 57th STREET  
NEW YORK, N. Y.

NO.

513

HGT.

LENG.





